

Na osnovu člana 200. Zakona o upravnom postupku (Sl. Novine FBiH br.2/98 i 48/99) i člana 17. Stav 1. Zakona o igrama na sreću („Sl. Novine FBiH“, broj 48/15 i 60/15 po odobrenju Ministarstva finansija FBiH br: 05-14-2-158/17-A.P. izdato u Sarajevu 09.03.2017. godine, direktor Pivare d.d. Tuzla donosi:

PRAVILA NAGRADNE IGRE PIVARA d.d.TUZLA "Kad si sretan ti naruči Tuzlansko"

1. Predmet Pravila

1.1. Po ovim pravilima Pivara d.d. Tuzla, Maršala Tita 163, Tuzla, ID 4209184890004 (u daljnjem tekstu: Organizator) organizuje nagradnu igru pod nazivom. "**Kad si sretan ti naruči Tuzlansko**" (u daljnjem tekstu: Nagradna igra) koja se provodi putem sms-a, a ovim pravilima uređuju se način i uslovi učešća u nagradnoj igri, način izvlačenja dobitnika nagrada, rokovi za ostvarivanje prava na nagradu i druga pitanja važna za organizaciju nagradne igre i učešća u istoj.

2. Nagradna igra

2.1. Nagradnu igru Organizator organizuje s ciljem povećanja prodaje proizvoda Tuzlanskog pilsnera i potvrde povjerenja potrošača u kvalitet proizvoda Tuzlanski pilsner, kroz vrstu pakovanja 0,33 lit. u nepovratnoj boci; 0,33 lit. u povratnoj boci i 0.5 lit. u povratnoj boci. Igra se provodi putem SMS-a i traje **od 20.03.2017.** od 14 sati **do 31.08.2017.** do 14 sati.

2.2. Organizator se obavezuje da ova pravila objavi na svojoj službenoj web stranici www.pivaratuzla.ba i dnevnim novinama Oslobođenje, a prije početka Nagradne igre, uz navođenje klase, broja i datuma izdavanja saglasnosti Ministarstva finansija FBiH.

2.3. Zadatak učesnika je poslati SMS sa jedinstvenim kodom koji se nalazi na unutrašnjoj strani crvenog krunskog zatvarača staklene ambalaže Tuzlanskog pilsnera u gore naznačenim pakovanjima. SMS poruke se šalju na broj **091 212 405** (cijena poruke je 0,234 KM i PDV je uključen u cijenu) samo u naznačenom periodu trajanja nagradne igre. U izvlačenju za nagrade učestvuju sve punoljetne osobe koje su poslale SMS poruku sa jedinstvenim kodom na naznačeni broj telefona za vrijeme trajanja nagradne igre.

2.4. Izvlačenje dobitnika glavne nagrade održat će se u prostorijama Organizatora. Izvlačenje nagrada vršit će se mjesečno i to **20.04., 20.05., 20.06., 20.07., i 31.08.** Na posbnom mjesečnom izvlačenju koje će se obaviti 20.06.2017 pored mjesečnih nagrada, izvući ćemo dobitnika nagrade ljetovanje za dvoje, kao i poklon bon osiguranja Triglav, a glavno izvlačenje je **31.08.** u okviru kojeg se izvlače mjesečne i glavna nagrada auto.. Izvlačenje dobitnika nagrada sprovodit će se slučajnim odabirom izvlačenjem učesnika koji su stekli pravo učešća u nagradnoj igri, odnosno onih koji su poslali ispravan jedinstveni kod sa zatvarača na navedeni broj telefona. Komisija za izvlačenje će prilikom izvlačenja dobitnika sastaviti Zapisnik s podacima dobitnika i toku izvlačenja. Konačni spisak dobitnika nagrada sa njihovim podacima će biti objavljen na službenoj web stranici www.pivaratuzla.ba kao i u dnevnim novinama Oslobođenje nakon zvaničnog završetka nagradne igre.

2.5. Ukupna vrijednost fonda nagradne igre utvrđuje se u iznosu od **45.092,10 KM.** Navedene su tržišne cijene nagrada na dan organizovanja nagradne igre, odnosno na dan podnošenja zahtjeva Federalnom Ministarstvu finansija za izdavanje saglasnosti.

Organizator se ograđuje od mogućnosti promjene vrijednosti nagrada do kojih bi moglo doći zbog promjena u tržišnim cijenama, pa za takve eventualne promjene niti u kojem slučaju ne snosi nikakvu odgovornost.

Fond nagrada se sastoji od:

Glavna nagrada: automobil Škoda Octavia(1),frižider piva(1 frižider sa 36 komada limenke piva 0,33),poklon bon CPA POLO, bon osiguranja Triglav(1),

Posebne mjesečne nagrade: ljetovanje za dvoje, sedam dana all inclusive(1), poklon bon osiguranja Triglav(1), laptop(1), tablet(2), bicikl(1)suncobrani veliki(1), mali suncobrana (5),LCD TV(1), majice(5),poklon bon pivnica

Taverna (1),poklon paketi proizvoda Pivara d.d.Tuzla ,paket čini: 1#limenke piva 0,33,1#1,33 boce piva nepovratne i 1# fenix....

Mjesečne nagrade: laptop(1), tablet(2), bicikl(1)suncobrani veliki(1), mali suncobrana (5),LCD TV(1), majice(5),poklon bon pivnica Taverna (1),poklon paketi proizvoda Pivara d.d.Tuzla ,paket čini: 1#limenke piva 0,33,1#1,33 boce piva nepovratne i 1# fenix....

Spisak nagrada, njihova količina i vrijednost izražena u KM:

rb	Vrsta nagrade	komada	Cijena u KM	Ukupno u KM
1	Automobil Škoda Octavia	1	29.000,00	29.000,00
2	Ljetovanje za dvoje all inclusive(7dana)	1	3.000,00	3.000,00
3	TV prijemnik	5	420,00	2.100,00
4	Poklon bon Triglav osiguranje	2	300,00	600,00
5	Laptop	5	274,95	1.374,75
	Frižider piva	1	330,60	330,60
	Poklon bon POLO	1	700,00	700,00
	Veliki suncobran	5	239,85	1.199,25
	Mali suncobran	25	37,44	936,00
	Tablet	10	345,15	3.451,50
	Bicikl	5	199,00	995,00
	Majica	25	5,40	135,00
	Poklon bon pivnica Taverna	5	50,00	250,00
	Poklon paket proizvoda Pivare Tuzla	25	40,80	1.020,00
	UKUPNO	116		45.092,10

Na početku Nagradne igre, u dnevnim novinama Oslobođenje, kao i na službenoj web stranici Organizatora bit će objavljen kompletan popis nagrada koje se dodjeljuju.

2.6. Nepotpune SMS poruke i SMS poruke koje sadrže nerazumljive podatke, smatrat će se nevažećima. Potvrda da je poslana poruka sa jedinstvenim kodom ispravna se šalje učesniku na broj telefona s kojeg je poslao poruku a potvrda sadrži tekst: *Kod je uspješno zaprimljen. Hvala što učestvujete u nagradnoj igri. Vaš sigurnosni SMS kod: XXXXXX. Molimo Vas da sačuvate ovu poruku. Vaš Tuzlanski pilsner!*

2.7. Ukoliko je jedinstveni kod sa zatvarača već iskorišten, neispravno unesen ili neispravan, sudionik u nagradnoj igri će dobiti povratnu poruku sa sljedećim tekstom: *Poštovani korisniče, uneseni kod NIJE ISPRAVAN ili je već ISKORIŠTEN! Provjerite i pravilno unesite KOD (7 brojeva/slova) koji se nalaze na čepu od piva! SMS poruka o osvajanju jedne od nagrada će sadržavati sljedeći tekst: „Čestitamo, dobitnik ste jedne od nagrada nagradne igre Pivare Tuzla. Za više informacija molimo da nas kontaktirate na broj telefona 035 300 111“.*

3. Pravo učešća u nagradnim igrama

3.1. Nagradna igra vrijedi za područje Federacije Bosne i Hercegovine te u istoj mogu učestvovati fizičke osobe, državljani Bosne i Hercegovine, u skladu sa čl. 2. i 3. ovih Pravila.

U Nagradnoj igri imaju pravo učestvovati sva punoljetna lica. U Nagradnoj igri ne mogu učestvovati, a niti ostvariti pravo na nagradu, osobe koje sa Organizatorom imaju sklopljen ugovor o radu, ugovor o djelu ili ugovor o autorskom djelu, kao ni članovi njihove porodice, te maloljetne osobe. Pravne osobe ne mogu učestvovati niti ostvariti pravo na nagradu u Nagradnoj igri.

3.2. Svaki učesnik nagradne igre može slati neograničen broj jedinstvenih SMS poruka. Organizator ne odgovara za nepristigle SMS poruke. Ova Pravila će biti objavljena na službenoj web stranici Organizatora kao i u dnevnim novinama Oslobođenje.

4. Preuzimanje nagrade

4.1. Dobitnici nagrada iz Nagradne igre koji su ispunili sve uslove iz ovih Pravila, svojim učešćem u ovoj nagradnoj igri daju svoju neopozivu saglasnost da će potpisati odgovarajuću potvrdu o preuzimanju nagrade koju će pripremiti Organizator. Primopredaja nagrada će se izvršiti najkasnije 30 dana od objave imena dobitnika na službenoj web stranici Organizatora kao i u dnevnim novinama Oslobođenje.

Ukoliko dobitnici nagrada poslije 30 dana propuste preuzeti nagradu gube pravo na nju, a dalje se primjenjuju odredbe Pravilnika o organizovanju nagradnih igara.

U slučaju da dobitnici nisu iz bilo kojeg razloga u mogućnosti lično preuzeti nagradu, ista će od Organizatora biti predana trećoj osobi koja će na temelju specijalne punomoći ovjerene kod notara preuzeti nagradu u ime i za račun dobitnika.

Sve neuručene nagrade ostaju kod Organizatora i stavljaju se na raspolaganje marketing odsjeku Organizatora za događaje koji će se odvijati u narednom periodu.

U slučaju da se u Nagradnu igru uključi manje sudionika od broja nagrada koje su predviđene nagradnim fondom, dodijelit će se onoliko nagrada koliko je u nagradnoj igri učestvovalo učesnika, odnosno onoliko koliko ih bude izvučeno. Svi dobitnici su dužni dokazati svoj identitet prilikom preuzimanja nagrada prilaganjem validnog dokumenta za identifikaciju, broja telefona sa kojeg je poslan dobitni/izvučeni jedinstveni kod, te potpisati prijem svoje nagrade.

4.2. Ostvarena nagrada ne može se mijenjati za novac, drugu robu ili usluge. Organizator nije obavezan isporučiti nagradu dobitniku na adresu stanovanja. Organizator zadržava pravo da osvojenu nagradu ne uruči osobi za koju se utvrdi da maloljetna.

5. Pravo Organizatora na objavljivanje podataka o dobitnicima

5.1. Učesnici prema članku 2. i 3. ovih Pravila pristaju na učešće u Nagradnoj igri i pristaju da njegovi lični podaci sa brojem telefona budu objavljeni u skladu sa člankom 5.2. ovih Pravila, te izjavljuje da prihvaća prava i obaveze iz ovih Pravila.

5.2. Učestvovanjem u nagradnoj igri bilo kog karaktera, svaki učesnik prihvata prava i obaveze iz ovih pravila, uključujući i to da daje svoju saglasnost za primanje informacija o promotivnim aktivnostima Organizatora, putem SMS poruka kao član PIVARA TUZLA SMS Kluba. U slučaju da učesnik više ne želi primiti SMS poruke sa informativnim i promotivnim porukama, potrebno je da kontaktira tehničku podršku putem elektronske pošte (e-maila) korisnicka.podrska@smsvision.ba. Sve poruke u okviru SMS Kluba su u potpunosti besplatne za korisnika.

5.3. Učesnik daje saglasnost da se njegovi lični podaci: ime, prezime, slike i video materijal mogu od strane Priređivača koristiti za objave u štampanim ili elektronskim medijima bez naknade ili dodatne saglasnosti, u isključivu svrhu promocije ove nagradne igre i Priređivača.

6. Troškovi

6.1. Organizator nije odgovoran za plaćanje poreza ili bilo kakve druge finansijske obaveze po pitanju uručenih nagrada. Organizator je dužan utvrditi poreznu osnovicu od vrijednosti nagradnog fonda i izvršiti uplate u skladu sa Zakonom. Dobitnik nagrade se smatra obaveznim izmiriti obaveze utvrđene Zakonom o porezu na dohodak.

6.2. Organizator nagradne igre snosi troškove nabave i čuvanja nagrada do predaje dobitniku. Dobitnik snosi troškove poreza na dobitak i ostalih odredbi iz Zakona o igrama na sreću. U trenutku preuzimanja nagrade, odnosno potpisa sporazuma o preuzimanju nagrade ili pak istekom dodatnog roka za preuzimanje nagrade prestaju sve obaveze i odgovornosti Organizatora prema dobitniku.

7. Posebne situacije

7.1. Organizator može zastati s provođenjem nagradne igre i prekinuti je ako ga razlozi tzv. više sile, za koje u trenutku organiziranja nagradne igre nije znao niti je mogao znati, spriječe da nagradnu igru nastavi u skladu sa ovim Pravilima.

8. Rješavanje sporova

8.1. Učešćem u Nagradnoj igri svaki učesnik prihvata sva prava i obaveze utvrđene ovim Pravilima. Za sporove koji ne budu riješeni mirnim putem nadležan je Opštinski sud u Tuzli.

9. Stupanje na snagu

9.1. Ova Pravila stupaju na snagu s danom objave na službenoj web stranici Organizatora kao i u dnevnim novinama Oslobođenje. Učešćem u nagradnoj igri svaki učesnik prihvata sva prava i obaveze utvrđene ovim Pravilima.